

SAMÞYKKT

um breytingu á samþykkt um stjórn Vestmannaeyja og fundarsköp
bæjarstjórnar nr. 196/1988, sbr. samþykkt nr. 420/1992.

1. gr.

1. gr. samþykktarinnar orðist svo:

Bæjarstjórn Vestmannaeyja er skipuð 7 bæjarfulltrúum kjörnum skv. III. kafla sveitarstjórnarlaga nr. 8/1986, sbr. 2. mgr. 10. gr. og 11. gr. sömu laga.

Samþykkt þessi, sem bæjarstjórn Vestmannaeyja hefur sett, samkvæmt 3. mgr. 7. gr. sveitarstjórnarlaga nr. 8/1986 með síðari breytingum, staðfestist hér með til að öðlast gildi við næstu sveitarstjórnarkosningar, og birtist til eftirbreytni öllum þeim sem hlut eiga að máli.

Félagsmálaráðuneytið, 23. september 1993.

F. h. r.

Húnbogi Þorsteinsson.

Sesselja Árnadóttir.

27. september 1993

Nr. 408

AUGLÝSING

um reglur um eðlilega nýtingu tekjustofna sveitarfélaga 1993.

Með tilvísun til 5. mgr. 13. gr. reglugerðar um Jöfnunarsjóð sveitarfélaga nr. 390/1991 sbr. reglugerðarbreytingu nr. 456/1992, breyttra forsendna á grundvelli laga nr. 113/1992 um breyting á lögum um tekjustofna sveitarfélaga nr. 90/1990 og að fengnum tillögum Sambands íslenskra sveitarfélaga hefur félagsmálaráðherra ákveðið að eftirtalin nýting tekjustofna sveitarfélaga á árinu 1993 teljist eðlileg nýting:

Útsvör: 7,5% álagning.

Fasteingaskattur:

1. Fasteignir samkv. lið a í 3. gr. laga um tekjustofna sveitarfélaga 0,36% álagning.

2. Fasteignir samkv. lið b í 3. gr. laga um tekjustofna sveitarfélaga 0,9% álagning.

Skilyrði fyrir því að sveitarfélag fái tekjujöfnunarframlag 1993 verður að það hafi á árinu 1993 fullnýtt heimild til útsvarsálagningar þ.e. lagt 7,5% útsvar á tekjur ársins 1992.

Félagsmálaráðuneytið, 27. september 1993.

Jóhanna Sigurðardóttir.

Húnbogi Þorsteinsson.